



EDITORIAL • RÂL VÊNGTU • CHHÛNGKAW CHANCHIN

- » Chhiatni Thatni Inkaihruaina 2018
- » Synod Prison Ministry Krismas leh Kumthar Jail-ah
- » Pastor leh Pro Pastor dah ngheh

RNI 68092/83 Regn. No. N.E. 1024
 From
 Synod Literature & Publication Board
 Synod Office, Aizawl - 796 001
 Mizoram. Phone: 0389-2324590

SYNOD *Newsletter*

Volume XXXIV

No. 1

E-mail: synodnews@gmail.com

JANUARY, 2019

LÂWRKHAWM

MISSIONARY INZIR LÂWKNA

Synod Mission Board-in nikum kum tâwp lama Missionary a lâk thar mi 86 te chuan January thla chhûng hian Mission Vêng Kohhran Hall-ah an hna thawh tûr atâna inzir lâwkna (orientation) hun hmangin, an hna kalhmang tûr tlângpui leh hna kaihnhawih thil chi hrang hrang an zir. Office lam ațangin SMB hotuten an kaihrui a, mi thiam leh tawn hriat lo nei tawh ten an zirtîr thîn a. Missionary-a chhuak tûrten an hlâwkpui hle. Missionary tharte tirh chhuah inkhâm hi SMB chuan February 3, 2019 (Pathianni) chawhnu inkhâm hunah Dâwrpui Kohhranah hman tûrin a ruahman.

PCI EXECUTIVE COMMITTEE

Jan., 16-17 2019 hian a hun ruat lâwk angin Silchar-ah PCI Executive Committee an thû dawn a. Mizoram Synod ațangin mi 12 kal tûra beisei an ni, PCI Moderator Rev. Lalramliana Pachuaui a kaihrui ang. PCI General Assembly thurêl bawh zuinaa thil pawimawh tak tak an rêl dawn.

BIAL KÏP CONFERENCE

Synod Calendar-a dah angin January 25-27, 2019 chhûng hian Pastor Bial hrang hrangh Bial KÏP Conference hman a ni dawn a. Central KÏP Committee Member te pawh Bial KÏP Conference-ah hian thusawitu (Speaker)-ah ațangin eng emaw zat an feh chhuak dawn.

WOMEN CENTRE-A PUANTHUI & PUAN TAH HAWNNA

Jan. 14, 2019 (Thawhțanni) khân Women Centre, Phunchawng-a puanthui zir 5th Batch leh Puan tah 3rd Batch hawnna hun hman a ni a, Rev. B. Sângthanga, Executive Secretary i/c Kohhran Hmeichhia chuan a hmanpui a ni.

Kum 2019 hian puanthui zir tûr mi 40 lâk an ni a, puan tah zir tûr mi 6 lâk an ni bawh. Women Centre hi kum 2015 khân chêng nuai zanga chuanga sak zawh a ni a, kum 2016 July thla ațangin puanthui zirna hi kalpui țan a ni a. A tirah chuan thla ruk (6) course a ni a, țha zâwka hriatna avângin kum 2018 ațang khân kum khat course a lo ni ta a ni. Tûm khatah mi 40 zêl zirai lâk thîn an ni.

SYNOD MODERATOR KUM THAR THUCHAH

Synod Newsletter chhiartu zawng zawngte kum thar chibai ka bûk ðeuh a che u. Kum 2019, kum thar kan lo thleng leh ta reng mai a, Pathianin mi mal, chhûngkua leh kohhranhote min enkawl tawhnaah lâwmthu sawi tûr kan nei ðeuh ngei ang. Pathian hnênah lâwmthu i sawi ðeuh ang u. He kum thar hian eng nge a rawn ken anga, eng thil nge kan chungah lo thleng dawn kan hre lo va; mahse, thil pakhat hriat chian kan nei; chu chu - hun neitu Pathian a ni tih hi a ni. A kutah innghat chungin kum thar hi a duh anga hman i tum ðeuh ang u.



Rev. R. Lalhmingshanga
Moderator

Kan ram hian chhiat kan tawh zêl loh nân mahni inchhûngkhur ðeuh ațanga țan kan lâk hi a damdawi țha ber niin ka hre thîn a. Ruihhlo chi hrang hrang laka fihlîm tûr te, corruption lakah te, chhiatna dang HIV/AIDS darh zêl tûr vênna leh politics khêl dân dik lo lakah te chhûngkuaah inzirtîrna kan țan a tûl êm êm a ni.

Galatia 5:22-a thlarau rah chi hrang hrang, mihringin a neih tûr leh amaha țo tûra chi awm chhun chu Pathian thu hi a ni a. Chu chí chu kan fate thinlunga țiaka, țova, țhang lian tûr hian kan fate, an têt lai ațanga an thinlunga țo tûra kan tuh leh zirtîr hi a ngai a ni. Chu chu nu leh pa zawng zawngten kan bat pawh a ni. Thufingte 22:6-ah pawh, "Naupang chu a kalna awm kawngah chuan zirtîr ula, a upat hun pawhin a thlah lo vang," a ti a ni.

Kan thu an la awih theih lai leh khawvêl sualnain a la tihbawhlhlawh hma hian Pathian thutak anmahniah tuh kan tum hrâm tûr a ni. Zâwlnei Samuela pawh kum thum vêl, hnute hnêk a bân hma thlêng a nu leh pa bulah a awm a. Pathian thua kaihrui a nih avângin a la naupan viau lai pawh khân Elia fate'n sual

kawng an zawh ang pawh a ti ve duh lo a ni. Kan fate hi Lalpa laka kan rochan hlûte an nih avângin nu leh pate hian theihtâwp chhuaha enkawl leh kawng dika kaihrui hi kan ba a ni.

Piantharna thu leh chhandamna thu te hi inah kan inzirtîr tam lo va, hei pawh hi kan ram hian kan tuar niin ka hre ve thîn. Kan fate an lo seilian a, Dân zawh kim thar ni tûra kan buatsaih lai te hian an thlarau lam nunah kan thla ngam chiah lovin, camping/campaign neih kan rawt thar fo thîn a ni. An taksa kan engto va, an silh leh fên tûr te, an ei tûr te, an mutna tûr te, an zirna leh thil dang tam tak tûl kan hria a, kan neih leh tlin ang tâwk ðeuhvin kan buaipui hlawm a. Kan tih tûr rêng a nih avângin kan ti ang. Mi dang bulah an mualphovin an rualawt lutuk ang tih kan hlauh ang hian an thlarau lam hi buaipui ila, Pathian thu hi an nuna tuh fuh leh tuh ngheh a nih phawt chuan NUN hi an thiam a ni.

He kumtharah hian chhûngkaw tinten țan la tharin theih tâwp chhuah ila, hun lo la awm leh tûrah hian kan hahdam ngei ang.

BIAL HMUI NGAI HMUITU TURTE

Pastor/Minister, zirna sâng zâwk zir, kumina zo tûr, Synod Inkhâwmpuiin bial vawng tûra a tihthe chu zirna an zawh fel hma, January – April, 2019 chhûnga an bial vawng tûr hmuitu hetiang hian a ruat:

Sl.	Bial hming	Hmuitu tûr
1.	Dâwrpui Vêngthar	- Rev. Joseph Lalremsiama, Vaivakâwn
2.	Sesawng	- Rev. Lalthanhâwla, Khawruhlian
3.	Sairâng Dinthar	- Rev. Lalzawmliana, Sairâng
4.	Thingdawl	- Rev. Lalthlanpuia, Kolasib Vêngthar
5.	Dârlawn	- Rev. Lalnunthara, Dârlawn Vêngthar
6.	Bilkhawthlîr North	- Rev. Z. John Malsâwma Colney, Bilkhawthlîr
7.	Mumbai	- Rev. Zoramsânga, Pune
8.	Fârkâwn	- Rev. R. Laldika, Vaphai

SYNOD Newsletter

EDITORIAL STAFF

Rev. Dr. C. Chawngmingliana
 Rev. B. Sângthanga
 Upa H. Ronghaka
 Upa C. Thanga

Editorial

ṬAWNGKA CHHUAK

Khawvêl mihring tungchhova kal zingah hian kawng engkima mi inang chiah chiah a awm theih loh. Chutiang baw chuan kan mizia leh ṭawngka chhuak pawh inang diak diak vek chu a awm theih loh. Ṭhenkhat chu ṭawng muang deuh chuar an nih laiin ṭhenkhat erawh chu dang nâl tak, an thil sawi pawh kêl bete pet ang zeh zeh an ni lawi a. Ṭhenkhat dam thlupa an ṭawng laiin ṭhenkhat ve thung chu bak hlaka thil sawi ṭhîn an ni thung. Ṭhenkhat chu zaizâp taka thu sawi ṭhîn an nih laiin ṭhenkhat thung chu pehhêl kual thiam miah lo, a nih ang ang a thlîng baw hawka thil sawi ṭhîn an ni.

Eng ang mizia pawh ni ila, thu kan sawi dâwnin kan thusawi hian mi thinlungah eng angin nge thu a sawi zui dâwn tih ngaihtuah hmasak a pawimawh. Thufing pakhat 'Look before you leap' tih hi, 'I zuan hmain i zuanna tûr en hmasa rawh' tihna a ni âwm e. Chu chu a pawimawh khawp mai. Kan ṭawngkam khat hian mi tute emaw a vuak chauh dêr emaw, tualthah duhna khawp hial thinurna a chawh thawh theih laiin kan ṭawngkam khat chauh hian tute emaw thinlung nâ leh hlîam a tuam dam theiin lâwmna sawi sên loh hlimna a pe thei baw. Mawhphur lo thusawia sawi liam puat puat leh a nih ang ang sawi bawl bawl te hian mi thinlungah a ṭha lam aiin a chhe zâwngin hna a thawk fo.

Mi chanchin sawi pawhin an chanchin chhe lam sawi aiin an ṭhatna lam sawi hrâm hian ngawng a nei ṭha zâwk. Ṭawngmang thiam tak kan ni lo a nih pawhin mi pir zâwng leh tai zâwng hian ṭawngkam cheh lo phawt mai ila a him nge nge ṭhîn. Thusawi hi football ang deuh a ni a, sawhkhâwk a nei zêl. Mi thinlung khei zâwng taka ṭawngkam hman hi a nuam viaw a ni mai thei a; mahse, ngawng chhuah a nei ṭha lêm lo. 'Ṭawngkam ṭhain sial a man' tih a ni a. Bible pawhin, "In ṭawngka chhuak chu chia al, khawngaihna tel ni fo rawh se," tiin min zirtîr a. Hnâng hlai thiam takin pan rual zaih maia hnâng an han hlai hi chu hmerh a nuam zaih ṭhîn ang hian kan ṭawngka chhuak pawh hi chhah hlei awm lo, pan rual zaih mai, a tlânghriam zût hlarh mai ni sela, a hmangtu tân leh a dawngtu tân malsâwmna a ni ngei ang.

MIZORAM PRESBYTERIAN KOHHRAN Chhiatni Ṭhatni Inkaihruaina 2018

(Synod Executive Committee chuan Synod thurêl-in a ngawng avâng leh khawtlâng nun kalphung lo danglam zêl avângin Chhiatni Ṭhatni Inkaihruaina chu ennawnin a siam ṭha a (SEC 275:34). Kohhran tina sem tûr la ni mah se kohhran mite hriat atâna ṭha anih avângin kan han chhuah a ni. - Editorial Staff)

A. CHHIATNI

1. Mitthi dâr vuak: Mitthi dâr vuak hi kan Kohhran mi thi inhriattîrna a ni a, Kohhran Committee member tu emaw tal hriatpuinaa vuak tûr a ni. Second 20 vêl dan zêlah wavi 1 vuain, wavi 15 vuak tûr. Presbyterian Kohhran mi, mikhual thi pawh a mikhualna hmuna vûi tûr a nih chuan a vûina hmun Kohhran-ah dâr vuak tûr a ni. Khuala thi chu a ruang thlen hnuah chauh dâr vuak tûr a ni.

2. Lumen leh thlân lai: Mitthi ruang lumen leh thlân lai hi ṭhalai leh pavalaite mawhphurhnaa ngaih a ni deuh ber a. Kohhran a rawngbâwtute pawhin thlahthlam hauh loh tûr a ni. Vûina tih lovah chuan tlâwmngai pâwl kuta dah thiam hi khawtlâng inpumkhatna atân a ṭha.

3. Mitthi puana tuam: Mitthi puana tuam hi chhûngkhat laina leh ṭhenrual ṭha hnai bîkte tih tûra ngaih a ni.

4. Pangpâr dah: Mitthi ruang chung a pangpâr dah hi lusûn chhûngte tân thil lâwmawm tak leh hriat reng zînga mi chu a ni a. Amaherawhchu, pangpâr dah aia pawisaa inrâl ṭhat zâwkna chhûngkua an awm thei a ni tih hriat a ṭha.

Hun rei vak lo aṭang khân ruang chung a pangpâr dah kan uar thar a, kan uar deuh deuh baw a, hei hian thih nî-ah michhia leh mi ṭha a thliar ta hle mai. Pangpâr dah kan duh a nih pawhin vûina inkhâwm tibuai lo va dah ni se.

5. Mitthi vûi hun: Lumen ngai chu chawhnu dâr khat (1:00 p.m) aia tlai lovah vûi ni se, lumen ngai lo chu chawhnu dâr thum (3:00 p.m) aia tlai lovah vûi ni se. Khuala thi leh eng emaw vânga hun bithliah tihdanglam a ṭûl chuan Kohhran hruaitute leh khawtlâng hruaitute inbe râwna tih ni se. Tûnlaiah kan in leh hmunte a zauh tâwk loh avângin mitthi vûina hmun atân Kohhran Hall/YMA Hall hman a remchân theih chuan a ṭha ang.

6. Thlalâk: Mitthi kuang thlalâkpui nân hian hun rei lo thei ang ber hman a ṭhat avâng leh sêno a tlem zâwk theih nân a ṭûl tak chauh lāk ni se. Thlalâk dân tûr fel taka ruahman lâwk a ṭha. Chhûngkaw lamin ruahmanna an siam bāk belh chawp loh ni se.

7. Mitthi vûi inkhâwm: Mitthi vûi inkhâwm hi Kohhran inkhâwm a nih avângin mumal taka programme siam tûr a ni. Thlânah chuan a rei lo thei ang ber hun hman ni se. Minister leh Active Upa thite chu ina thlahna hun hman hnuah Biak Inah vûi tûr a ni. A theih chen chenah Minister/Pastor thite chu Synod Moderator emaw, Moderator kal chhuak tawhten emaw vûi ṭhîn tûr a ni (Synod 2016 Gen.49). Mitthi vûinaah an thawhna Department emaw, pâwl anga hun hmang tûr chuan hunserh ṭan hmaa hun hman ṭhîn ni se.

8. Mahni intihlum: Kan Kohhran member tawh phawt chu mahni intihlum pawh ni se Kohhranin mitthi kan vûi dân pangngaia vûi tûr a ni (Synod 1990Gen.10; SEC 119;28(2); Synod 2016 Gen 29)

9. Râlna: Mahni remchân dân azirin mitthi vûi zauh kher ngâk lo va eng hunah pawh râlna hi pêk theih a ni. Inkhâwm thulha Pathiannia râi tûra khêk kher loh a ṭha. Tûnlaiah pawisa faia inrâl kan uar ta a, kan neih remchân anga kan inrâl hi thil zahthlāk a ni lo va, râlna neih loh vânga khawhar ina kal hi hreh pah loh tûr a ni.

10. Khawhar lêngpui: Khawhar kan lêngpui chhan ber chu lusûn chhûngte hmem leh thlamuan a ni. Kohhran kalhmang leh thurin kalh zâwng a thusawi te chu

rem tih loh tûr a ni. Chuvângin, khawhar an awm hlimchhâwn ni hnih ni thum chhûng chu Kohhranin a ruat rawngbâwtuin chhûn lam lêngkhâwm chu kaihruai thei se a ṭha.

11. Khawhar riahpui: Khawhar riahpuiin a tum ber chu lusûnte thlamuan leh a ṭûl anga ṭanpui hi a ni a. Tûnlaiah chuan zan hnih zan thum an in riahpui ṭhîn. Khawhar chhûngte tihhautak loh tûr a nih avângin inriakte tân chawhlu buatsaih loh a ṭha. Tûnlaiah riahpui ṭûl ti lote an awm theih avângin khawhar chhûngte leh YMA hruaitute inbiak hmasak theih ni se.

12. Thlân ṭhut: Khual khuaa chhûngkhat laina bul tak an thiha, chumi hmuna kal ve theih loh vâng emaw, chu thih thu chu a hnuah hriat ve chauh a nih hian thlân ṭhut ṭhîn a ni a. Hetiang ni si lova thlân ṭhut hi tih loh ni se, thlân ṭhut hun chu Pathianni ni lo thei se a ṭha.

13. Thih champhaphâk: Mitthi ngaihna chawktho zâwng a thih champhaphâk hman hi tih loh a ṭha. Midang punkhâwm leh sum sêng zâwng a hman pheh hi chu ringtu tih dân tûr a ni lo vang. Mitthi hnêna lehkhaw thawn pheh hi chu Kristianna nen a inhmeh lo a ni.

14. Lungphun: Hriatrengna lungphun hi kan hnam tih dân ṭhîn a ni a; amaherawhchu, ṭhen leh rual khâwm zâwng a hun hmang kher lo pawhin chhûngkuaa chinfel mai theih a ni tih hriat tûr a ni. A hautak lo zâwng a tih a ṭha hle.

15. Thlân cheimawi leh thlân tlawh: Thlân tihfai ṭhîn hi chhûngte tih âwm tak a ni a; amaherawhchu, lusûnna tithar zâwng a thlân tlawha cheimawi ṭhîn erawh chu ringtu tih atân a mawi lo a ni.

16. Nausên/naupang vûi inkhâwm

Nausên/naupang thi chu hetiangin kalpui tûr a ni-

- (1) Nausên dama piang tawh phawt chu an thihin mitthi vûi dân pangngaia vûi tûr a ni.
- (2) Nausên an thihin Biak In dâr (mitthi dar) vuak tûr a ni.
- (3) Vûina inkhâwm pawh Kohhran inkhâwm (hunserh) pawimawha ngaiin kohhran mite chuan a theih ang ang a inṭawîawm tlân ni se.
- (4) Mi dang ang bawkin thlânah pawh vui ni se.
- (5) Kohhran inchhiarna, mitthi zât chhiarnaah chhiah tel tûr a ni ang; kum tâwpa mitthi súnna hunah pawh sún tel tûr a ni ang (Synod 2013 Gen.74; SEC 250:29).

Nausen thite dinhmuz azirin a vûi chungchângah khawtlâng hruaitute nân inbiakrâwn hmasak theih ni se.

17. Puithuna âthlâk: Chhiatni chungchâng a chin dân hlui, puithuna âthlâk chi hrang hrang, kristianna nêna inhmeh tawh lo ang chi – khuala thi, a khaw lama thlân lo lai hlawk tawh vânga a ruang thlen ni nia phûm ngei ngei ngai ngai thlatna ang chi te, mitthi thum thil chhawm zui tlāk si phûm tel ngei ngei tûra ngaihna te, ruang awmchhûnga inchhûnga thil intâr, dah bo ni si lo (calendar, dâthlalang etc.) lehlîn vek tûra ngaihna etc. te hi tih loh atân a ṭha.

18. Kohhran inkhâwm leh thihna: A theih hrâm chuan mitthi awm avângin Kohhran inkhâwm ṭhulh loh a ṭha. Pathianni chawhnu inkhâwm huna mitthi vûi chu Kohhran inkhâwm ring ngâlthe chuan ngaih pawimawh ni se. Tin, Kohhran inkhâwm chhûngin khawhar inah zâi loh theih ni se.

Râl Vêngtu

Thuhrlitu-ho chu Râl Vêngtu râlven bûkah an lo kal khâwm a, "Râl Vêngtu, nikum lam khân kan rawngbâwlna kawngah thurâwn tha tak tak min pe a. Kan sâwtpui viau pawhin kan inhria a. Eng nge min hmuh dân le?" an rawn ti a. Râl Vêngtu chuan, "In thusawi hi tlangvâlho bike, proton vuah ang deuh a ni a. A bengchhen viau aiin ngaihlathu lam hian an thâtpui tehchiam lovin a lang," a ti a. Anni-ho chuan, "Chu chu eng nge a chhan ni ang a, engtia hma lâk tûr nge ni ang?" an ti a.

Râl Vêngtu chuan, "In rawngbâwlna hmuna thahnem in ngaih ang bawkin in lama in haw hian nangmahni kohhranah thahnem ngai ula. In rawngbâwlna hmuna in tawngtai tam ang baw hian in awma kohhranah pawh tawngtai tam ula. Pathian thu in sawiin bazaar note aiin text book (Bible) hmang tam ula. Entirna in sawi pawhin tûnlai fiamthu thawhhoivin 'pa pakhat pawh kha' tia dâwt an phuachawp zui mai mai ang ni lo, belhchian dâwl entirna hmang ula. Zûk leh hmuamah pawh tûn aiin insûm deuh ula. Rêl lu ang maia khûk vut vut reng mai leh a sehtu kê ang maia sen huam reng tûr a ni lo. Amaherawhchu tûnlaia in rawngbâwlna 'Operation' in tih erawh hi chu Laser Machine Gun ang deuh a ni a, thâwm zâwitê si hian a kah a na nek chuan ka hria, Pathian pawhin mal a sâwm viauin a lang," a ti a.

Thuhrlitute chuan, "E! I sawi chu a dik alâwm, sawi zêl teh," an ti a. Râl Vêngtu chuan, "Nangni-ho nge nge in puitling hle mai a, thurâwn pawh in dawngsawng thiam e. Chuti chu kan sawi beh leh hlek ang e aw. Thu in sawi rei mah mah. Thu sawi rei hi harhna a ni ber lo. Thu sawi rei hi lungtum chhum ang deuh a ni a, chhum rei a sâwt lêm lo, hun khawh ralna mai a ni, 'a reina chu thawhrimna leh lungngaihna mai a ni' tih ang lek fang a ni. Jona pawh khân Pathian thu kha a dawn chin zawang, tâwitê-in a sawi mai a. Pathianin mal a sâwm a, a khaw nâwtin an lal te nê, an rante nê lam saiip puan sinin Lalpa an au va, an sual an sim a, harhna ropui tak a lo thleng ta chur chur a nih kha. Harhna hi chu tute emaw vanga lo thleng a ni lo va, Pathian thu awih avanga lo thleng mai a ni zâwk," a ti a.

Thuhrlitute chuan, "Râl Vêngtu nge nge pan man i awm e. I thurâwn chu zawm kan lo tum dâwn nia," tiin an hâwng ta diah diah a.

SYNOD HOSPITAL, DURTLÂNG NOVEMBER, 2018 CHHÛNGA THILPÊK DAWNTE

I. CHARITY FUND

1. Keifang Vengthar Kohhran Ramthar Committee	Rs	10,000/-
2. Chawnpui Vengthlang Kohhran Hmeichhia	Rs	10,000/-
3. Mission Vengthlang Kohhran	Rs	1,00,000/-
4. Hunthar Veng Kohhran Hmeichhia, Aizawl	Rs	10,000/-
5. Pu R.K. Vanlalzela, Zernabawk North	Rs	3,000/-
6. Phunchawng Kohhran, Aizawl	Rs	10,000/-
7. Lungdai Kohhran	Rs	1,000/-
8. Thingdawl Pastor Bial Kohhran Hmeichhia	Rs	10,000/-
9. Pu Zodinliana, Mission Veng	Rs	1,300/-
10. Pu Zodinsanga, Zarkawt	Rs	3,500/-
11. KTP, Kawlkulh 'N' Pastor Bial	Rs	2,500/-
12. MZP, General Headquarters, Aizawl	Rs	2,000/-
13. Lalhmachhuana, Electric Veng, Aizawl	Rs	2,000/-
14. ENF, Synod Hospital Units, Durtlang	Rs	25,000/-
15. Zote Kohhran Ramthar Committee, Champhai	Rs	5,000/-
16. Zauang Pastor Bial Kohhran Hmeichhia	Rs	10,000/-
17. Dilakawn Kohhran Pavalai Pawl	Rs.	2,000/-

II. THISEN PETE

1. M.I.T. Electric Veng, Aizawl	40 Units
2. KTP, Dinthar Branch, Aizawl	34 Units
3. KTP, Electric Veng Pastor Bial, Aizawl	33 Units
4. KTP, Chawhmun 'N' Branch	30 Units
5. KTP, Zotlang Branch, Aizawl	21 Units
6. KTP, Bawngkawn Bethel Pastor Bial	27 Units
7. KTP, Joint Tlungvel leh	
Tlungvel Vengthar Pastor Bial	48 Units
8. KTP, Saron Veng Branch, Aizawl	25 Units
9. KTP, Hunthar Veng Branch, Aizawl	25 Units

III. GRACE HOME TÂN

1. Kawrthlawng Bial Kohhran Hmeichhia	Rs. 1,500/-
2. Pi Muani Group, Durtlang Kohhran Hmeichhia	Crutch - 2 walking frame with wheels - 1

IV. THIL DANG PETE

1. MULCO, Thuampui, Damlo tan Bawngnhute thahnem tak
2. Lalmalsawmi, M/S Enterprise leh Choka-a hman tur
Lalrimawii, C-54, Millenium Centre Prestige thuk 3 burners
3. Kohhran Pavalai Pawl, Kulikawn Pastor Bial Compound samfai hnatiang 40 members
4. Lengte Naupang Sunday School Thuthlengsei 5
5. KTP, Dawrui Branch Palliative tan Morphine tablets Rs 4,000/-
6. Lairemawii, Chaitlang Dawrkawn, Aizawl Krismas thilpek Rs 5,000/-
7. Governor, Govt. of Mizoram Donation Rs 5,000/-
8. KTP, Kanhmun Pastor Bial Rs. 5,000/-
9. M/S AM Drugs Surgical, Guwahati Rs. 56,000/- (Eye OT-a hman tur Dehumidifier lei nan)

VI. PAWISA DAWN ZAWNG ZAWNG -

I. Charity Fund	Rs. 2,07,300/-
II. Grace Home tân	Rs. 1,500/-
III. Thil dang atângin	Rs. 75,000/-
Total	Rs. 2,83,800/-

Khawngaihna leh duhsaknaa thilpek min petute zawang zawang hnênah Lalpa Isua Krista hmingin lâwmthu kan sawi tak meuh meuh a ni. Heng in thilpek kan dawnte hian dam lo awm man harsate thlamuang takin a awmtîr a, Hospital mamawh tam tak min phuhrûksak baw a ni.

Sd/-
(REV. R. RAMDINMAWIA)
Chaplain, Synod Hospital, Durtlang.

SYNOD PRISON MINISTRY IN KRISMAS LEH KUM THAR JAIL-AH

Synod Prison Ministry hian a din tîr kum (2016) atângin Kristiante humpui Krismas leh kum thar vêlah hian Jail-ah programme a siam thîn a. Krismas hi Central Jail-ah leh kum thar hi District Jail-ah hman a ni thîn. Kumin 2018 Krismas leh kum thar erawh kum danga a tih ang lo deuhvin Central Jail leh District Jail-ah a rualin hun hman a ni.

Central Jail-ah chuan Krismas hi tum dang ang bawkin ground-ah pandal zârin hman a ni a; Rev. B. Sângthanga ES i/c SPM etc, hovin hun hmanpui a ni. Chawhna inkhâwmah Rev. B. Sângthanga thu a sawi a, chawhna lamah Rev. R. Lalnunluanga SPM Committee member-in thu a sawi. He hunah hian Thingsûthliah Pastor Bial Zaipâwltê sâwm an ni a. Anni hian chawhna leh chawhna inkhâwmah zaia rawngbâwlin chhônah an director, Upa C. Lalchhanhima kaihhruainain fellowship hun himawm tak hman a ni baw. Tlaiah Krismas ruai him taka Kîl ho a ni. Thingsûthliah Pastor Bial zaipâwltê hi zingah tiffin paiin Aizawl panin an rawn chuak a. An inpêkna a fakawm hle. Anni ho bâkah hian Chawnpui vênga mi zaithiamte hruai an ni a, zaia Pathian fakna hun an hmante ngaihthlâk a nuam hle. Synod Prison Ministry Committee atângin Upa C. Lalthianghlima'n hun hi a hmanpui thei baw

District Jail Aizawl-ah hian Rev. R. Lalvulluaia Director SPM hovin hun hman a ni a, chawhna leh chawhna inkhâwmah Rev. R. Lalvulluaia Pathian thuchah a sawi. He hun hmanpui tûr hian Khatla kohhran atângin zaithiam sâwm an ni a, anni hian zaia rawngbâwlna hun tha tak an hmang baw.

Krismas chhûn thingpui leh a hmehte hi SPM lamin tumsakin, Jail tângte tân Krismas ruai buatsaih nân Synod Prison Ministry lam atângin sum eng emaw zât pêk an ni baw.

Kumthar 2019 lawmna hun hi Central Jail leh District Jail-ah SPM hmingin hmanpui an ni baw a. Central Jail-ah hian Rev. R. Lalvulluaia leh Upa C. Lalthianghlima te bâkah Khatla Kohhran Pavalai Pâwl ten ni lêngin hun an hmanpui a, tlaiah kum thar lawmna ruai hi him takin thêh ho a ni baw.

District Jail lamah hian Rev. B. Sângthanga ES hovin hman a ni a, chawhna lamah Rev. R. Lalnunluanga leh Chawnpui Kohhran Pavalai Pâwl atângin mi eng emaw zât an tawiam thei baw

Aizâwla Jail awm Central Jail leh District Jail bâkah hian District Jail dangah pawh Krismas leh kum thar lawmna ruai buatsaih nân hian sum pêk vek an ni a, hêng sum te hi District Synod Prison Ministry Committee hruaituten an hlân a ni.

ATC PRINCIPAL THAR DAH NGHET

January 10, 2019 (Ningani) chawhna dâr 3:00 pm khân Aizawl Theological College Principal thar atân Rev. Dr. Vânlalngâka Râlthê chu dah ngheh a ni.

Principal thar Rev. Dr. Vânlalngâka Râlthê hi Synod Executive Committee in thlangin 2018 Synod Inkhâwmpuiin a pawmpui a ni a. Synod Moderator Rev. R. Lalhmingthanga'n dah nghehna hun hi a hmang a ni.





E. LUNG DÂR PASTOR BIAL KÏP chuan an din champha vawi 50-na (Golden Jubilee) ni 25 January, 2019 hian lawm an tum a. He hun hmanpui tûr hian E. Lungdar Bial chhûng Branch hrang hranga member lo ni tawhte an Jubilee hmanpui tûr hian an sâwm a ni.

E. LUNG DÂR PASTOR BIAL KOHHRAN HMEICHHIA te pawhin ni 8-9 February, 2019 hian Pastor Bial Hmeichhe Inkhawmpui Golden Jubilee an lâwm dâwn a. He hun hmanpui tûr hian an Bial Kohhran Hmeichhe rawngbâwna lo tel tawh zawng zawng te leh Bialtu Pastor leh Pro Pastor lo ni tawh zawng zawngte an sâwm a ni.

KRISTIAN THALAI PÂWL, THENZÂWL PASTOR BIAL chuan ni 24-27 January, 2019 chhûng hian an kum 50 tlin champha (Golden Jubilee) Thenzâwl Vênglai Kohhran Biak Inah an lâwm dâwn a. He hun hmanpui tûr hian he Bial chhûnga KÏP member lo ni tawh leh member ni mêk zawng zawngte an sâwm.

SYNOD OFFICE HAWN LEH CHARGE INHLAN

Krisman leh kum thar chawlh hman a nih hnuah Synod Office chu January 7, 2019 (Thawht anni) atang khân hawn a ni a, kum 2019 Office kai ni hmasa berah hian Synod Moderator Rev. R. Lalhmingshanga thawktute inkhâwm (devotion) kaihuaiin kum thar thuchah a sawi a. Pastor hna a thawh tantirh, chhim lama a awm laia a thil tawn atanga a rilru put dân sawiin rawngbâwl hna chi hrang hrang inngheh tawn dân te, pawimawh lo anga ngaihe te pawh rawngbâwna tling a nihzia te a sawi a, motor kal lohna hmuna a awma kohhran mamawh thil chi hrang hrang an put thin lai chuan "Pathian rawngbâwna hi a puta put a nih hi," a tih hial thin thu a sawi. Thawktute pawh rawngbâwl hnain a ken tel thil chi hrang hrangte hi rawngbâwna vek a nihzia hre reng chung a thawk tûrin a fuhi a, Pathianin kan rawngbâwna hi min hriatpui zêl a ni, a ti.

Synod Office hawn niah hian Synod Inkhawmpuiin mawhpurhna bik atâna a ruat thar, Synod hotute leh Department hotuten an mawhpurhna an la ngâh a, hetiang hian:

Rev. Lianhmingshanga Sailo - Senior Executive Secretary
 Rev. B. Sangthanga - Executive Secretary
 Rev. K. Lalrinmawia - Executive Secretary
 Rev. C. Zoramawia - Secretary, SMB
 Rev. Dr. Vanlalngbaka Ralte - Principal, ATC

*Anmahni avangin ka intithianglim a ni, anni pawh thutaka an thianglimna turin.
 Johana 17:19*

PASTOR LEH PRO PASTOR DAH NGHEHNA

Kum 2018 Synod Inkhawmpuiin Pastor leh Pro Pastor a tichêt (sawn, awmna siam rem leh lâk thar)-te chu an awmna tûrah January 13, 2019 (Pathianni) khân dah ngheh an ni. Dah nghehna (Induction Service) neihpuitute hi Synod Officers' Meeting-in a ruat a, Synod Puipate pawh Induction Service neihpuiin hetiang hian an zin chhuak:

Sl.	Puipa kalte hming	Induction neihpuiina
1.	Rev. R. Lalhmingshanga, Moderator	- Sakawrtuichhûn (Bial thar hawn ngâh a ni)
2.	Rev. R. Vanlalngâka, Secretary (Sr.)	- Phuaibuang
3.	Rev. Vanlalrova Khiangte, Secretary (Jr.)	- Lallen
4.	Rev. B. Sangthanga, Fin. Officer	- Silchar (Bengali)
5.	Rev. Lianhmingshanga Sailo, Sr. Exe. Secy.	- Khawlailung Dinthar
6.	Rev. K. Lalrinmawia, Executive Secy.	- Vânzau

KOHHRAN TE HRIAT TUR - BAWLHHLAWH TAWIH THEI LO CHUNGCHANG

Khawvêl hmasâwnna kal zêl hian thil awlsam tak tak a keng tel zêl a. Chûng zingah chuan puipunna leh ruaitheh nikhuaa kan hman lâk tak - wawi khat hmuna paih leh mai chi (disposable items) - thlêng, no, etc. leh polythene bag hi a hlauhawmnate hre chiang lovin a awlsam avângin kan hmang nasa ta hle mai a. Hêng thil chungchâng tlem hi tarlang ila:

- Hêng thil kan hman nasat hote hi tawihral ve thei lo chi (non-biodegradable) an ni a, mihring leh ranvullh te, ramsate leh luia chêng chi nungcha tinrêng tân pawh natna hrang hrang thlent a ni thei.
- A tawih ral ve theih tlat loh avâng hian bawlhhlawh buaipui tham tak a ni a, a sawngbâwna (solid waste management)-ah pawh a buaithlâk bik hle.
- A paihna lamah kan fimkhur lo va, kan paih mai mai a, hei hian hun rei zâwk hnuah lei a tinghet lo va, leimin te hial pawh a thlen thei a ni.
- Disposable plate leh no siamna styrofoam kan tihah hian cancer thlen thei (carcinogens) styrene a awm avângin ram changkâng zâwk leh khawpui thenkhatatah chuan disposable items hi hman khap a ni.
- Natna chi hrang hrang an thlen theih thu hi scientist-te zirchianna atang pawhin eng emaw zât hmuh tûr a awm bawk.

Chuvangin BIOCONe chuan polythene bag leh ruaitheh leh tihpui nikhuaa hêng tawih ral thei lo hmanrua (disposable plate, cups, bowls etc) te hman loh inzirtir hi a tûl hle in a hria a. Tûnhma lamah kan lo hman thin thlêng (stainless steel) emaw thinghna leh kuhva kâu hmanga siam thlêng leh no te emaw hmang uar tûrin kohhran hrang hrang a ngên a ni.

Biodiversity and Nature Conservation Network (BIOCONe)

HNA RUAK DIL THEIH

Mizoram Presbyterian Kohhran hnuaiha hêng Contract hnate hi a ruak a, kum 18-35 inkâr, ni 27.2.2019-a kum 18 pum tawh, kum 35 la pumhlûm lo tân dil theih a ni. Zûk leh hmuama fihlîm lo tân dil a ngai lo vang. Hna dilna form chu ni 17.1.2019 atangin Synod Office-ah lâk chhuah theih a ni ang. Hna dilna Form-ah hriat tûr pawimawh tihlan a ni ang.

1. John Williams Hospital, Lunglei-a thawk tûr

1) Doctor (Regular) Post - 1

Thiamna : MBBS of any recognised University
 Hlawh : Synod Pay Commission
 2018 Pay Matrix Level 11 Step 1 Rs. 25,700/-

2) Staff Nurse (Contract) Post - 2

Thiamna : GNM/B.Sc (Nursing) from any recognised board/institution.
 Hlawh : Synod hnuaiha contract rate

3) Driver (Contract) Post - 1

Thiamna : CI VIII certificate holder with professional Driving Licence
 Hlawh : Synod hnuaiha contract rate

2. Peon (Contract) Synod Office, Aizawl-a thawk tur Post - 1

Thiamna : Class VIII certificate holder
 Hlawh : Synod hnuaiha contract rate

Dil theih hun chhûng : Ni 15.2.2019 (Zirtawpni), dâr 4:00pm thleng
 Screening test/exam : Ni 20.2.2019 (Nilaini), dâr 10:30 am
 Interview : Ni 27.2.2019 (Nilaini), dâr 10:30 am

Sd/-

Rev. Lianhmingshanga Sailo
 Secretary, Synod Service Board